

Lescha communal da taglia dalla vischnaunca da Falera

sebasond sin la lescha davart las taglias communalas e davart las taglias da baselgia dil cantun Grischun

I. Disposiziuns generalas

Art. 1

¹ La vischnaunca da Falera incassescha las suandontas taglias tenor las disposiziuns dil dretg cantunal:

Object

- a) ina taglia sin las entradas e sin la facultad;
- b) ina taglia sin il gudogn tras la vendita da beins immobigliars;
- c) ina taglia supplementara ed ina taglia penala sco era multas disciplinaras;
- d) ina taglia sin midada da maun;
- e) ina taglia sin schischom;
- f) ina taglia sin l'ierta e donaziuns.

² La vischnaunca da Falera incassescha plinavon las suandontas taglias tenor la legislaziun speciala:

- a) ina taxa da hosps;
- b) ina taxa turistica;
- c) ina taglia da tgauns.

Art. 2

Aschinavon che questa lescha cuntegn neginas regulaziuns, vegnan applicadas las disposiziuns dalla lescha davart las taglias communalas e davart las taglias da baselgia sco era dalla lescha cantunala da taglia conform al senn.

Dretg subsidiar

II. Dretg material

1. TAGLIA SIN LAS ENTRADAS E SIN LA FACULTAD

Art. 3

Pei da taglia

¹ La taglia sin las entradas e sin la facultad vegn incassada en ina procentuala dalla taglia cantunala semplia.

² La radunonza communal fixescha il pli tard il december il pei da taglia per igl onn fiscal suadont.

2. TAGLIA SIN MIDADA DA MAUN

Art. 4

Tariffa da taglia

La taglia sin midada da maun munta a 2 pertschien.

3. TAGLIA SIN SCHISCHOM

Art. 5

Tariffa da taglia

¹ La taglia sin schischom munta maximal 2 promil.

Il possessur per ils 31 da december ha da pagar la taglia per igl entir onn.

² La radunonza communal fixescha il pli tard il december il pei da taglia per igl onn fiscal suadont.

4. TAGLIA SIN L'IERTA E DONAZIUNS

Art. 6

Tariffa da taglia

La taglia sin l'ierta e donaziuns importa:

- a) per il tschep dils geniturs 2 pertschien;
- b) per il tschep da tat e tatta 5 pertschien;
- c) per las ulteriuras persunas favorisadas 20 pertschien.

III. Dretg formal

1. AUTORITADS

Art. 7

La suprastonza communal decide:

Suprastonza
communal

- a) davart damondas da levgiament fiscal;
- b) davart la participaziun a cunvegnientschas da dretg reciproc dil cantun en fatgs da taglia sin l'ierta e donaziuns.

Art. 8

¹ L'execuziun da questa lescha ei caussa digl uffeci communal da taglia, aschinavon che la vischnaunca ei cumpetenta per quei.

Uffeci communal
da taglia

² Igl uffeci communal da taglia ei ultra da quei cumpetents per l'execuziun dallas incumbensas che la lescha cantunala da taglia ha surdau allas vischnauncas.

³ La vischnaunca sa delegar sias incumbensas tenor ils alineas 1 e 2 a tiarzas persunas.

Art. 9

¹ La taglia sin las entradas e sin la facultad sco era la taglia sin schischom, che vegn incassada ensemen cun quella, vegnan taxadas tras l'allianza da taglia Laax.

Ulteriuras
autoritads

² La vischnaunca da Falera sa delegar a l'allianza da taglia Laax la taxaziun d'ulteriuras taglias, e quei encunter ina indemnizaziun.

2. INCASSAMENT

Art. 10

¹ Las taglias sin las entradas e sin la facultad scadan la fin digl onn fiscal.

Scadenza

² La scadenza dalla taglia sin schischom sedrezza tenor las taglias directas, sch'ella vegn incassada ensemen cun quellas.

³ La scadenza dalla taglia sin il gudogn tras la vendita da beins immobigliars sco era dalla taglia sin l'ierta e donaziuns sedrezza tenor il dretg cantunal.

⁴ Las ulteriuras taglias sco era las multas disciplinaras scadan cun la facturaziun.

⁵ Cun la finiziun dall'obligaziun da pagar taglia en Svizra u a caschun dalla declaraziun da concuors scada mintga taglia u mintga multa immediat.

Art. 11

Termin da pagament

¹ Las taglias e las multas disciplinaras ston vegnir pagadas – cun resalva da l'alinea 2 – enteifer 90 dis dapi che la scadenza ha entschiet.

² Il termin da scadenza dall'obligaziun da pagar taglia sin il gudogn tras la vendita da beins immobiliars sco era dalla taglia sin l'ierta e donaziuns sedrezza tenor il dretg cantunal.

³ La taglia sin schischom che vegn incassada separadamein sto vegnir pagada enteifer 30 dis dapi che la scadenza ha entschiet.

⁴ Las taglias sin las entradas e sin la facultad provisoricis sco era la taglia sin schischom che vegn incassada ensemen cun quellas ein da pagar mintgamai sin ils 30 da zercladur.

⁵ Cun la finiziun dall'obligaziun da pagar taglia en Svizra u a caschun dalla declaraziun da concuors sto mintga taglia u mintga multa vegnir pagada immediat.

Art. 12

Relasch da taglia

Davart las damondas da relasch e davart las amortisaziuns administrativas decidan:

- a) igl uffeci communal da taglia tochen agl import da 1'000.00 francs per onn e cass;
- b) la suprastanza communal per ils imports che survargan quella summa.

3. INDEMNISAZIUN

Art. 13

La vischnaunca da Falera vegn indemnisada dallas baselgias cantunales e dallas pleivs cun 2 pertschien dallas taglias ch'ein vegnidas incassadas.

IV. Disposiziuns finalas

Art. 14

Entrada en vigur

¹ Questa lescha ei vegnida acceptada ils 25 d'avrel 2008 dalla radunonza communal. Ella entra en vigur igl 1. da schaner 2009.

² Cun l'entrada en vigur da questa lescha ein abrogadas tuttas disposiziuns d'auters relaschs che stattan en cuntradicziun cun ella.

La presidenta communal
Silvia Casutt-Derungs

Il scarvon
Adrian Vincenz

Approbau dalla regenza tenor il conclus dils 3-6-2008 nr. 692.

En num dalla regenza

Il president
St. Engler

Il cancelier
Dr. C. Riesen

La cumplettaziun digl artechel 7 c) ei vegnida approvada dalla radunonza communal digl 1. d'october 2013. Ella va en vigur pigl 1. da november 2013.

Il president communal
Wendelin Casutt-Cathomen

Il scarvon
Adrian Vincenz

Approbau dalla regenza tenor il conclus dils 12-11-2013 nr. 1074.

En num dalla regenza

Il president
H. Trachsel

Il cancelier
Dr. C. Riesen

Las adattaziuns digl artechel 1 alinea 3 a+b ed artechel 13 alinea 1+2 ein vegni approbadas dalla raunonza communal dils 8 da matg 2015. Ellas van en vigur retroactiv pigl 1. da schaner 2015.

Il president communal	Il scarvon
Wendelin Casutt-Cathomen	Adrian Vincenz

Approbau dalla regnza tenor il conclus dils 9-6-2015, nr. 531.

En num dalla regenza	
Il president	Il cancelier
M. Jäger	Dr. C. Riesen

Las adattaziuns ed aboliziuns dad artechels dalla lescha da taglia dils 8 da matg 2015 ein vegnidas approbadas dalla suprastanza communal ils 5 da november 2020.

Il president communal	Il scarvon
Wendelin Casutt-Cathomen	Adrian Vincenz

Approbau dalla regenza tenor il conclus dils 15.12.2020 nr. 1066/2020.

En num dalla regenza	
Il president	Il cancelier
Dr. Chr. Rathgeb	Daniel Spadin